



სსიპ შოთა რუსთაველის ეროვნული სამეცნიერო ფონდის გენერალური
დირექტორის

ბრძანება № 82

2015 წლის 12 ივნისი

ქ. თბილისი

ახალგაზრდა მეცნიერთა უცხოეთში სამეცნიერო-კვლევითი სტაჟირებისათვის
სახელმწიფო სამეცნიერო გრანტების 2015 წლის კონკურსის გამოცხადების, კონკურსის
პროგრამა და პირობებისა და საკონკურსო დოკუმენტაციის ფორმების დამტკიცების
შესახებ

„ახალგაზრდა მეცნიერთა უცხოეთში სამეცნიერო-კვლევითი სტაჟირებისათვის
სახელმწიფო სამეცნიერო გრანტის გაცემის წესისა და საგრანტო განაცხადის შეფასების
კრიტერიუმების დამტკიცების შესახებ“ საქართველოს მთავრობის 2009 წლის 23 ივნისის
N120 დადგენილების, „საჯარო სამართლის იურიდიული პირის - შოთა რუსთაველის
ეროვნული სამეცნიერო ფონდის დაფუძნებისა და მისი წესდების დამტკიცების შესახებ“
საქართველოს განათლებისა და მეცნიერების მინისტრის 2010 წლის 28 ივლისის N62/5
ბრძანებით დამტკიცებული წესდების მე-7 მუხლის მე-2 პუნქტის „ე“ და „ნ“
ქვეპუნქტების საფუძველზე

ვბრძანებ:

1. გამოცხადდეს 2015 წლის „ახალგაზრდა მეცნიერთა უცხოეთში სამეცნიერო-კვლევითი სტაჟირებისათვის სახელმწიფო სამეცნიერო გრანტების 2015 წლის კონკურსი“;
2. დამტკიცდეს „ახალგაზრდა მეცნიერთა უცხოეთში სამეცნიერო-კვლევითი სტაჟირებისათვის სახელმწიფო სამეცნიერო გრანტების 2015 წლის კონკურსი“-ს პროგრამა და პირობები ამ ბრძანების დანართი N1-ის შესაბამისად;
3. დამტკიცდეს „ახალგაზრდა მეცნიერთა უცხოეთში სამეცნიერო-კვლევითი სტაჟირებისათვის სახელმწიფო სამეცნიერო გრანტების 2015 წლის კონკურსში მონაწილეობის შესახებ“ განცხადების ფორმა ამ ბრძანების დანართი N2-ის შესაბამისად;
4. დამტკიცდეს ახალგაზრდა მეცნიერთა უცხოეთში სამეცნიერო-კვლევითი სტაჟირებისათვის სახელმწიფო სამეცნიერო გრანტების 2015 წლის კონკურსზე წარსადგენი საპროექტო წინადადების ფორმა ამ ბრძანების დანართი N3-ის შესაბამისად;
5. დამტკიცდეს „ახალგაზრდა მეცნიერთა უცხოეთში სამეცნიერო-კვლევითი სტაჟირებისათვის სახელმწიფო სამეცნიერო გრანტების 2015 წლის კონკურსი“-ს საგრანტო პროექტის ბიუჯეტის ფორმა ამ ბრძანების დანართი N4-ის შესაბამისად;
6. დამტკიცდეს სარეკომენდაციო წერილის ფორმა ამ ბრძანების დანართი N5-ის შესაბამისად;

7. დაევალოს სსიპ შოთა რუსთაველის ეროვნული სამეცნიერო ფონდის საზოგადოებასთან ურთიერთობის სამსახურს წინამდებარე ბრძანების საჯარო გაცნობისათვის განთავსება ფონდის ვებ-გვერდზე: www.rustaveli.org.ge.

4. ბრძანება ძალაშია ვებგვერდზე გამოქვეყნებისთანავე.

5. ბრძანება შეიძლება გასაჩივრდეს მისი ძალაში შესვლიდან ერთი თვის ვადაში თბილისის საქალაქო სასამართლოს ადმინისტრაციულ საქმეთა კოლეგიაში (მის: ქ. თბილისი, დ. აღმაშენებლის ხეივანი მე-12 კმ. №6).

მარინე ჩიტაშვილი



**ახალგაზრდა მეცნიერთა უცხოეთში სამეცნიერო-კვლევითი სტაჟირებისათვის
სახელმწიფო სამეცნიერო გრანტების 2015 წლის კონკურსის პროგრამა და პირობები**

მუხლი 1. ზოგადი დებულებანი

1. ახალგაზრდა მეცნიერთა უცხოეთში სამეცნიერო-კვლევითი სტაჟირებისათვის (შემდგომში – სტაჟირება) საგრანტო კონკურსის (შემდგომში – კონკურსი) მიზანია დამოუკიდებელ ექსპერტთა შეფასების საფუძველზე შეირჩენ და დაფინანსდნენ ახალგაზრდა მეცნიერები, რომლებსაც საშუალება მიეცემათ, გაიარონ სტაჟირება უცხოეთის წამყვან სამეცნიერო ცენტრებში (ინსტიტუტები, უნივერსიტეტები და სხვ.).

მუხლი 2. კონკურსის მიზნები და სამეცნიერო მიმართულებები

1. გრანტის მიზნებია:

- ა) ახალგაზრდა მეცნიერთა სამეცნიერო-კვლევითი საქმიანობის ხელშეწყობა დაფინანსების გზით.
- ბ) ახალგაზრდა მეცნიერთა პროფესიული კვალიფიკაციის ამაღლება.
- გ) ახალგაზრდა მეცნიერთათვის საერთაშორისო სამეცნიერო კონტაქტების დამყარება და უცხოეთის წამყვან სამეცნიერო ცენტრებში პროფესიული გამოცდილების შეძენაში ხელშეწყობა.

2. ახალგაზრდა მეცნიერთა უცხოეთში სამეცნიერო-კვლევითი სტაჟირებისათვის საგრანტო კონკურსი მოიცავს შემდეგ სამეცნიერო მიმართულებებს:

- ა) ზუსტი და საბუნებისმეტყველო მეცნიერებები;
- ბ) ინჟინერია და ტექნოლოგიები;
- გ) სამედიცინო და ჯანმრთელობის მეცნიერებები;
- დ) აგრარული მეცნიერებები;
- ე) სოციალური მეცნიერებები;
- ვ) ჰუმანიტარული მეცნიერებები;
- ზ) საქართველოს შემსწავლელი მეცნიერებები;

3. კონკურსი ტარდება „ახალგაზრდა მეცნიერთა უცხოეთში სამეცნიერო-კვლევითი სტაჟირებისათვის სახელმწიფო სამეცნიერო გრანტის გაცემის წესისა და საგრანტო განაცხადის შეფასების კრიტერიუმების დამტკიცების შესახებ“ საქართველოს მთავრობის 2009 წლის 23 ივნისის N120 დადგენილებითა (შემდგომში – მთავრობის დადგენილება) და წინამდებარე ბრძანებით განსაზღვრული წესების შესაბამისად.

მუხლი 3. საგრანტო კონკურსის ადმინისტრირება

- 1. საგრანტო კონკურსის ადმინისტრირებას ახორციელებს საქართველოს განათლებისა და მეცნიერების სამინისტროს სისტემაში შემავალი საჯარო სამართლის იურიდიული პირი – შოთა რუსთაველის ეროვნული სამეცნიერო ფონდი (შემდგომში – ფონდი).
- 2. გრანტის მისაღებად დაინტერესებული პირი ფონდში წარადგენს საგრანტო განაცხადს.

3. ფონდი შეიმუშავებს და ფონდის გენერალური დირექტორი (შემდგომში დირექტორი) ინდივიდუალური ადმინისტრაციულ-სამართლებრივი აქტით ამტკიცებს:
 - ა) საგრანტო პროექტების დაფინანსების გაცემის მიზნით გასამართი კონკურსის პროგრამასა და პირობებს;
 - ბ) საგრანტო განაცხადების წარდგენის, განხილვისა და გადაწყვეტილების მიღების ვადებს;
 - გ) საგრანტო განაცხადების სააპლიკაციო ფორმებს;
 - დ) გრანტით დაფინანსებული პროექტების შესრულების ანგარიშების ფორმებსა და მონიტორინგის პროცედურას.
4. დირექტორი ინდივიდუალური ადმინისტრაციულ-სამართლებრივი აქტით ქმნის დამოუკიდებელი ექსპერტებისგან შემდგარ პროექტების შემფასებელ კომისიას და ადგენს მის საქმიანობის წესს.
5. პროექტების შემფასებელი კომისიის გადაწყვეტილების საფუძველზე, დირექტორი ინდივიდუალურ-სამართლებრივი აქტით ამტკიცებს დასაფინანსებლად შერჩეულ საგრანტო პროექტებს.
6. ფონდი ახორციელებს გამარჯვებული პროექტების გრანტით დაფინანსებასა და პროექტის განხორციელების შესრულების კონტროლს.

მუხლი 4. სუბიექტები

1. დაფინანსების მოსაპოვებლად, საგრანტო განაცხადის წარდგენა შეუძლია საქართველოში მუდმივად მცხოვრებ საქართველოს მოქალაქეს-ახალგაზრდა მეცნიერს, რომელიც ფლობს ინგლისურ ან იმ ქვეყნის სახელმწიფო ენას, სადაც იგი გეგმავს სტაჟირების გავლას, აქვს დოქტორის აკადემიური ან მასთან გათანაბრებული სამეცნიერო ხარისხი, რომელიც მიენიჭა კონკურსის გამოცხადების თარიღიდან ბოლო 7 წლის პერიოდში, ან არის რეზიდენტი ან დოქტორანტი და ეწევა სამეცნიერო-კვლევით საქმიანობას საქართველოს სამეცნიერო-კვლევით, ან ავტორიზებულ უმაღლეს საგანმანათლებლო დაწესებულებაში;
2. ახალგაზრდა მეცნიერი, რომელსაც ბოლო ერთი წინ მიღებული აქვს ამავე კონკურსის გრანტი, ვერ მიიღებს მონაწილეობას 2015 წლის კონკურსში (სტაჟირების კონკურსში მიღებული გრანტის პერიოდის დამთავრებიდან გასული უნდა იყოს არანაკლებ 1 წელი).

მუხლი 5. ძირითადი ფინანსური მოთხოვნები

1. ფონდიდან მოთხოვნილი საგრანტო დაფინანსება გაიცემა ქვეყნების კატეგორიების მიხედვით და უნდა შეესაბამებოდეს სტაჟირების ვადებისა და ქვეყნების კატეგორიების მიხედვით ხარჯთაღრიცხვის ცხრილს (იხ. დანართი 1);
2. პროექტის საგრანტო დაფინანსება ხორციელდება ერთ ეტაპად;
3. ახალგაზრდა მეცნიერმა საქართველოში დაბრუნების შემდგომ, 10 დღის განმავლობაში ფონდში უნდა წარმოადგინოს სრულყოფილი ფინანსური და პროგრამული ანგარიშები;
4. ფონდსა და ახალგაზრდა მეცნიერს შორის ანგარიშსწორების საკითხები რეგულირდება გაფორმებული საგრანტო ხელშეკრულებით;
5. საგრანტო პროექტი სასურველია ითვალისწინებდეს პროექტის თანადაფინანსებას.
6. სამეცნიერო - კვლევითი სტაჟირება უნდა დაიწყოს არაუგვიანეს 2015 წლის 5 ოქტომბრიდან და უნდა დასრულდეს არაუგვიანეს 2016 წლის 15 ნოემბრისა.
7. საგრანტო პროექტის მინიმალური ხანგრძლივობაა 2 თვე, ხოლო მაქსიმალური ხანგრძლივობა - 6 თვე. საჭიროების შემთხვევაში, შესაძლებელია 7, 8 თვის მოთხოვნაც, რაც მოითხოვს აპლიკანტის მიერ სტაჟირების დამატებითი თვეების დასაბუთებას. (აპლიკანტმა უნდა წარმოადგინოს დეტალური სამუშაო გრაფიკი სტაჟირების დამატებით თვეებზე და მომწვევი მხარისგან დამატებითი თვეების საჭიროების წერილობითი დასაბუთება).

მუხლი 6. პროექტის ბიუჯეტი

1. პროექტის ბიუჯეტი შესაძლოა ითვალისწინებდეს შემდეგ მუხლებს/ხარჯვით კატეგორიებს:
 - ა) საერთაშორისო მგზავრობის ხარჯები - სატრანსპორტო ხარჯი ორმხრივი მგზავრობის ხარჯების ანაზღაურებას; (საჰაერო, სახმელეთო, საზღვაო ტრანსპორტი დანიშნულების ადგილამდე; ფონდი დააფინანსებს მხოლოდ ეკონომკლასის ბილეთებს);
 - ბ) დაზღვევისა და ვიზის ხარჯები;
 - გ) ყოველთვიური ფიქსირებული სტიპენდია, რომელიც დაფარავს საცხოვრებელი ბინის, შიდა ტრანსპორტირების და კვების ხარჯებს. სტიპენდიის რაოდენობა განისაზღვრება ქვეყნის კატეგორიების მიხედვით დადგენილი სტანდარტების შესაბამისად. (იხ. დანართი 1 - სტაჟირების ხარჯთაღრიცხვის ცხრილი ქვეყნების კატეგორიების მიხედვით);
 - დ) საჭიროების შემთხვევაში დამატებით დაუფინანსდება მასპინძელ ორგანიზაციაში სტაჟირებისთვის მოთხოვნილი სარეგისტრაციო გადასახადი.
- ე) სტაჟირებისათვის მოთხოვნილი მთლიანი თანხა არ უნდა აღემატებოდეს 35 000 ლარს.
2. ყოველთვიური ფიქსირებული სტიპენდია არ უნდა აღემატებოდეს დანართ 1-ში დადგენილ სტანდარტს ქვეყნის კატეგორიების ხარჯვის სტანდარტის გათვალისწინებით (ბიუჯეტის ფორმა ივსება ეროვნულ ვალუტაში, დანართ 1-ში მითითებული გაცვლითი სავალუტო კურსის შესაბამისად). სტიპენდიის მოცულობა დამოკიდებულია სტაჟირების თვეების რაოდენობაზე.
3. იმ შემთხვევაში, თუ სტაჟირების პერიოდი შეიცავს არასრულ თვეს, აღნიშნული პერიოდის სტიპენდია დაანგარიშებულ უნდა იქნას დღეების მიხედვით, ფიქსირებული თვიური სტიპენდიის პროპორციულად.
4. დაფინანსება განხორციელდება ხელშეკრულების საფუძველზე, რომელსაც ფონდი გააფორმებს კონკურსში გამარჯვებული პროექტის წარმდგენ ახალგაზრდა მეცნიერთან.

მუხლი 7. კონკურსის ეტაპები

1. კონკურსის ეტაპებია:
 - ა) კონკურსის გამოცხადება;
 - ბ) საგრანტო განაცხადის ფონდში წარდგენა;
 - გ) საგრანტო განაცხადების წინასწარი შერჩევა საკონკურსო პირობებთან შესაბამისობის დადგენის მიზნით;
 - დ) შერჩეული საგრანტო განაცხადების შეფასება დამოუკიდებელი ექსპერტებისგან შემდგარი პროექტების შემფასებელი კომისიის მიერ, საქართველოს მთავრობის 2009 წლის 23 ივნისის N120 დადგენილებით დამტკიცებული N2 დანართით გათვალისწინებული საგრანტო განაცხადების შეფასების კრიტერიუმების მიხედვით.
 - ე) გამარჯვებული პროექტების დამტკიცება და ხელშეკრულებების გაფორმება.

მუხლი 8. საკონკურსო დოკუმენტაციის წარდგენა

1. კონკურსში მონაწილეობისათვის პროექტს ფონდის ელექტრონულ ბაზაში არეგისტრირებს კონკურსანტი (ახალგაზრდა მეცნიერი). პროექტის რეგისტრაცია ხდება ფონდის ვებგვერდიდან: www.rustaveli.org.ge. იქვეა განთავსებული რეგისტრაციის ინსტრუქცია.
2. პროექტის ელექტრონული რეგისტრაციის ბოლო საფეხურია პროექტის საბოლოო წარდგენა (იხ. რეგისტრაციის ინსტრუქცია). პროექტის საბოლოო წარდგენის შემდეგ პროექტის ატვირთული ვარიანტის რედაქტირება შეუძლებელი იქნება.
3. პროექტის საბოლოო წარდგენის შემდეგ ელექტრონული ბაზა დააგენერირებს განცხადებას 2015 წლის „ახალგაზრდა მეცნიერთა უცხოეთში სამეცნიერო-კვლევითი სტაჟირებისათვის სახელმწიფო სამეცნიერო გრანტების კონკურსში მონაწილეობის შესახებ“.

4. კონკურსში მონაწილეობისათვის ფონდში წარმოდგენილი უნდა იქნას:

ა) ამ მუხლის მე-3 პუნქტით გათვალისწინებული განცხადება კონკურსში მონაწილეობის შესახებ **(ხელმოწერით დადასტურებული, წარდგენილ უნდა იქნას ფონდის კანცელარიაში);**

ბ) საპროექტო წინადადება, რომელიც უნდა შეიცავდეს პროექტის დასაბუთებას, დაგეგმილი კვლევის აღწერას, დაგეგმილი კვლევის ზოგად გეგმა-გრაფიკს და მოსალოდნელი შედეგების აღწერა (უნდა აიტვირთოს ონლაინ რეჟიმში ფონდის ვებგვერდზე - ელექტრონულ ბაზაში);

გ) საგრანტო პროექტის რეზიუმე ქართულ და ინგლისურ ენებზე (ივსება ონლაინ რეჟიმში ფონდის ვებგვერდზე - ელექტრონულ ბაზაში);

დ) საგრანტო პროექტის ბიუჯეტი (ივსება ონლაინ რეჟიმში ფონდის ვებგვერდზე - ელექტრონულ ბაზაში);

ე) კონკურსანტის პირადობის დამადასტურებელი დოკუმენტის ასლი (პირადობის მოწმობა ან პასპორტის პირველი გვერდი) (უნდა აიტვირთოს დასკანერებული სახით ფონდის ვებგვერდზე - ელექტრონულ ბაზაში);

ვ) ოფიციალური მოწვევის წერილის ორიგინალის ასლი უცხოეთის იმ უმაღლესი საგანმანათლებლო დაწესებულებიდან/სამეცნიერო-კვლევითი ორგანიზაციიდან, რომელშიც ახალგაზრდა მეცნიერი გეგმავს სტაჟირებას და სანოტარო წესით დამოწმებული ქართული თარგმანი. მოწვევაში დადასტურებულ უნდა იქნეს უმაღლესი საგანმანათლებლო დაწესებულების/სამეცნიერო-კვლევითი ორგანიზაციის მზადყოფნა, ახალგაზრდა მეცნიერისათვის ხელმისაწვდომი გახადოს საკუთარი კვლევითი ინფრასტრუქტურა (ბიბლიოთეკა, ლაბორატორიული, კომპიუტერული ბაზა და ა.შ.). მოწვევაში მითითებული უნდა იყოს: სტაჟირების პერიოდი; თანადაფინანსების შესაძლებლობის არსებობის შემთხვევაში ინფორმაცია მომწვევი დაწესებულების მხრიდან თანადაფინანსებაზე (წერილის ასლი და ნოტარიული წესით დამოწმებული ქართული თარგმანი უნდა აიტვირთოს დასკანერებული სახით ფონდის ვებგვერდზე);

ზ) დოქტორის აკადემიური ან მასთან გათანაბრებული სამეცნიერო ხარისხის, რეზიდენტის ან დოქტორანტის სტატუსის დამადასტურებელი დოკუმენტი; თუ აკადემიური განათლების დამადასტურებელი დოკუმენტი უცხოეთშია გაცემული, პირი წარადგენს დოკუმენტის სანოტარო წესით დამოწმებულ ქართულ თარგმანსა და სსიპ - განათლების ხარისხის განვითარების ეროვნული ცენტრის მიერ გაცემულ დოკუმენტს უცხოეთში მიღებული განათლების აღიარების შესახებ; თუ კონკურსანტი, რეზიდენტი ან დოქტორანტი სწავლობს უმაღლეს საგანმანათლებლო დაწესებულებაში, ოფიციალური დასტური იმის შესახებ, რომ სტაჟირება კონკურსანტისათვის არ წარმოშობს სწავლის საფასურთან დაკავშირებულ რაიმე სახის დამატებით ფინანსურ სირთულეს. (ორივე დოკუმენტი უნდა აიტვირთოს დასკანერებული სახით ფონდის ვებგვერდზე - ელექტრონულ ბაზაში);

თ) ამ დანართის მე-4 მუხლით გათვალისწინებული სამუშაო ადგილიდან (ასეთის არსებობის შემთხვევაში) დაწესებულების ხელმძღვანელის მიერ გაცემული ცნობა, რომლითაც დასტურდება აღნიშნულ დაწესებულებაში ახალგაზრდა მეცნიერის სამეცნიერო-კვლევითი საქმიანობა (უნდა აიტვირთოს დასკანერებული სახით ფონდის ვებგვერდზე - ელექტრონულ ბაზაში);

ი) ორი სარეკომენდაციო წერილი - ერთი - კონკურსანტის სასწავლო ან სამუშაო ადგილიდან, ხოლო მეორე - იმ პირისაგან, რომელიც კარგად იცნობს კონკურსანტის პროფესიულ უნარ-ჩვევებს, სამეცნიერო მოღვაწეობას ან/და მასთან ერთად ჩართულია სამეცნიერო კვლევაში (ინგლისური, ან სხვა უცხოენოვანი სარეკომენდაციო წერილის შემთხვევაში, განმცხადებელმა უნდა წარმოადგინოს ქართული თარგმანი დამტკიცებული ნოტარიული წესით. წერილები უნდა აიტვირთოს დასკანერებული სახით ფონდის ვებგვერდზე - ელექტრონულ ბაზაში);

კ) სტაჟირების გავლისათვის აუცილებელი უცხო ენის, ან ინგლისური ენის ცოდნის დამადასტურებელი დოკუმენტი - სერტიფიკატი, დოქტორანტურაში ენის ჩაბარების (B-2) დამადასტურებელი ცნობა უნივერსიტეტიდან; ან საერთაშორისო სერტიფიკატი უნდა აიტვირთოს დასკანერებული სახით ფონდის ვებგვერდზე - ელექტრონულ ბაზაში (უცხო ენის ცოდნის დამადასტურებელი დოკუმენტები მითითებული დანართ 2-ში);

ლ) ამ დანართის მე-5 მუხლის მე-5 პუნქტით გათვალისწინებული თანადაფინანსების შემთხვევაში, მისი დამადასტურებელი ოფიციალური დოკუმენტი, რომელშიც მითითებული უნდა იყოს თანადაფინანსების მოცულობა და საგრანტო პროექტის ბიუჯეტის ის ნაწილი, რომელსაც დაფარავს თანადაფინანსება და რომლის ანაზღაურება არ მოხდება ფონდის სახსრებიდან (უნდა აიტვირთოს დასკანერებული სახით ფონდის ვებგვერდზე).

5. პროექტების ელექტრონული რეგისტრაცია შესაძლებელი იქნება **2015 წლის 12 ივნისიდან 2015 წლის 8 ივლისის 24:00 საათამდე**. ელექტრონულად დარეგისტრირებული პროექტებისათვის ამ მუხლის მე-3 პუნქტით გათვალისწინებული დოკუმენტი ფონდში წარმოდგენილი უნდა იყოს არაუგვიანეს **2015 წლის 10 ივლისის 18:00 საათისა**.
6. ვადის დარღვევის ან/და არასრული დოკუმენტაციის წარმოდგენის შემთხვევაში პროექტი მოიხსნება კონკურსიდან.
7. ფონდი უფლებამოსილია კონკურსის ნებისმიერ ეტაპზე კონკურსიდან მოხსნას პროექტები, რომლებიც არ შეესაბამება კონკურსის მიზნებისათვის დადგენილ მოთხოვნებს ან შეიცავს ყალბ ინფორმაციას.
8. ფონდი არ ანაზღაურებს პროექტის მომზადებისა და წარდგენისათვის გაწეულ ხარჯებს.

მუხლი 9. პროექტის შეფასება

1. საკონკურსოდ წარდგენილ საგრანტო პროექტებს ფონდში უტარდება წინასწარი ტექნიკური ექსპერტიზა, რომლის დროსაც მოწმდება საგრანტო პროექტის შესაბამისობა ფონდის მიერ დადგენილ მოთხოვნებთან;
2. წინასწარი ტექნიკური ექსპერტიზის შემდეგ საგრანტო პროექტები გაივლის შეფასების ერთსაფეხურიან პროცედურას: საქართველოს მთავრობის 2009 წლის 23 ივნისის N120 დადგენილებით დამტკიცებული დებულების N2 დანართით გათვალისწინებული საგრანტო განაცხადების შეფასების კრიტერიუმების მიხედვით, ფონდის პროექტების შემფასებელი დამოუკიდებელ ექსპერტთა კომისიის მიერ;
3. საგრანტო დაფინანსების მიღებისათვის აუცილებელი, მაგრამ არასაკმარისი პირობაა, პროექტის საბოლოო შეფასება იყოს 38 ან მეტი ქულა. დაფინანსდება პროექტები ფონდის პროექტების შემფასებელი დამოუკიდებელ ექსპერტთა კომისიის მიერ შედგენილი რანჟირებული სიის მიხედვით;
4. ფონდის გენერალური დირექტორი ინდივიდუალური ადმინისტრაციულ-სამართლებრივი აქტით ამტკიცებს დასაფინანსებლად შერჩეულ საგრანტო პროექტებს.
5. ფონდი ახორციელებს გამარჯვებული პროექტების გრანტით დაფინანსებასა და პროექტის განხორციელების შესრულების კონტროლს.

მუხლი 10. საგრანტო ხელშეკრულება

1. ფონდის პროექტების შემფასებელი დამოუკიდებელ ექსპერტთა კომისიის მიერ დასაფინანსებლად შერჩეული პროექტების დასკვნის საფუძველზე ფონდის გენერალური დირექტორის მიერ დამტკიცების შემდეგ ფონდი უზრუნველყოფს კონკურსში გამარჯვებულ პირებთან საგრანტო ხელშეკრულების გაფორმებას.
2. გამარჯვების შემთხვევაში, ხელშეკრულების გაფორმებამდე კონკურსანტმა უნდა წარმოადგინოს ფონდის ვებგვერდზე ატვირთული ყველა დასკანერებული დოკუმენტის ორიგინალი და საბანკო ანგარიშის ნომერი, რომელზეც უნდა გადაირიცხოს საგრანტო თანხები.

მუხლი 11. ინტერესთა კონფლიქტი

1. დაუშვებელია ექსპერტი/კომისიის წევრი იყოს პირი, რომელიც არის ამავე კონკურსის

მონაწილე.

2. არ შეიძლება პროექტების დამტკიცების პროცესში მონაწილეობდეს ექსპერტი/კომისიის წევრი პირი:
 - ა) რომელსაც აქვს საერთო პუბლიკაცია პროექტის მონაწილეებთან ან მონაწილეობდა მათთან ერთსა და იმავე სამეცნიერო-კვლევით პროექტში ან მუშაობს ერთსა და იმავე სტრუქტურულ ერთეულში (ფაკულტეტი, ინსტიტუტი, დეპარტამენტი);
 - ბ) რომელმაც შესაძლოა მიიღოს პროფესიული, ფინანსური ან პირადი სარგებელი პროექტის გამარჯვების ან დამარცხების შემთხვევაში;
 - გ) რომელსაც აქვს პროექტის თემატიკის ან კვლევის მეთოდის შესახებ პროექტის ავტორებისაგან ფუნდამენტურად განსხვავებული პოზიცია;
 - დ) რომელიც თვითონ არის დაინტერესებული მხარე პროექტში; პროექტში მონაწილე დაინტერესებული მხარის ნათესავია; პროექტში მონაწილე დაინტერესებული მხარის წარმომადგენელია; იყო ექსპერტი მოცემულ საკითხთან დაკავშირებით; შრომით ურთიერთობაშია პროექტში მონაწილე დაინტერესებულ მხარესთან.
3. ნათესავად ჩაითვლება:
 - ა) პირდაპირი ხაზის ნათესავი;
 - ბ) მეუღლე, და-ძმა და პირდაპირი ხაზის ნათესავი;
 - გ) აღმავალი ხაზის პირდაპირი ნათესავის და-ძმა;
 - დ) და-ძმა, მათი მეუღლეები და შვილები.
4. ექსპერტი/კომისიის წევრი ვალდებულია ფონდის გენერალურ დირექტორს ოფიციალურად აცნობოს ამ მუხლში აღნიშნული გარემოებისა და თვითაცილების შესახებ.
5. იმ შემთხვევაში, თუ ინფორმაცია ექსპერტის/კომისიის წევრის ინტერესთა კონფლიქტის შესახებ ფონდისთვის ცნობილი გახდება დასაფინანსებლად შერჩეული პროექტების საექსპერტო კომისიის მიერ დამტკიცებამდე, ფონდი უფლებამოსილია იმსჯელოს ექსპერტის/კომისიის წევრის მიერ გაკეთებული შეფასების გაუქმებასთან დაკავშირებით.

მუხლი 12. საგრანტო პროექტის შესრულების ანგარიშგება, მონიტორინგი, დაფინანსების შერჩევა

1. ფონდი ახორციელებს დაფინანსებული პროექტების შესრულების მონიტორინგს, რაც ითვალისწინებს გრანტით დაფინანსებული პროექტის შესრულების კონტროლს როგორც ფინანსური, ისე პროგრამული თვალსაზრისით.
2. კონკურსში გამარჯვებული პროექტის წარმდგენი ახალგაზრდა მეცნიერი ვალდებულია ფონდს წარუდგინოს პროგრამული და ფინანსური ანგარიშები ფონდის მიერ დადგენილი ფორმების მიხედვით.
3. ფონდი უფლებამოსილია საქართველოს კანონმდებლობის შესაბამისად შეაჩეროს ან შეწყვიტოს კონკურსში გამარჯვებული ახალგაზრდა მეცნიერის დაფინანსება პროექტის ამოცანების შეუსრულებლობის, ყალბი მონაცემების აღმოჩენის, აგრეთვე კანონმდებლობით გათვალისწინებულ სხვა შემთხვევებში.
4. გრანტის მიმღები ვალდებულია სტაჟირების დასრულებიდან (საქართველოში დაბრუნების შემდეგ) 2 თვის ვადაში გააკეთოს პრეზენტაცია უცხოეთში სტაჟირებაზე მიღებული გამოცდილების და ჩატარებული სამუშაოს შესახებ საკუთარ ინსტიტუტში და ჩაატაროს მინიმუმ 5 საჯარო შეხვედრითი ლექცია ფონდის მიერ უზრუნველყოფილ ღონისძიებაზე, ან საჯარო სკოლებში.

დანართი 1 - სტაჟირების ხარჯთაღრიცხვის ცხრილი ქვეყნების კატეგორიების მიხედვით

#	ქვეყნები	ყოველთვიური სტიპენდია (მოიცავს საცხოვრებელ და დღიურ/კვების, შიდა ტრანსპორტირების ხარჯებს)	
		ევრო	კვივალენტი ლარი
1	დანია, ირლანდია, საფრანგეთი, იტალია, ავსტრია, ფინეთი, შვედეთი, გაერთიანებული სამეფო, ლიხტენინი, ნორვეგია, იაპონია, ახალი ზელანდია, ავსტრალია, სამხრეთ კორეა	დოქტორი - EUR 1400	3558
		დოქტორანტი - EUR 1150	2923
2	ბელგია, ჩეხეთის ესპუბლიკა, გერმანია, საბერძნეთი, ესპანეთი, ხორვატია, კვიპროსი, ლუქსემბურგი, ნიდერლანდები, პორტუგალია, სლოვენია, ისლანდია, თურქეთი	დოქტორი - EUR 1100	2796
		დოქტორანტი - EUR 1000	2541
3	ლათინური ამერიკის ქვეყნები; სამხრეთ აფრიკა, ჩინეთი, ინდოეთი, ბულგარეთი, ესტონეთი, ლატვია, ლიტვა, უნგრეთი, მალტა, პოლონეთი, რუმინეთი, სლოვაკეთი, ყოფილი იუგოსლავიის რესპუბლიკა მაკედონია	დოქტორი - EUR 900	2287
4	ალბანეთი, ბოსნია და ჰერცეგოვინა, მონტენეგრო, სერბია და კოსოვო, სომხეთი, აზერბაიჯანი, ბელორუსია, საქართველო, მოლდავეთი, უკრაინა, ალჟირი, ეგვიპტე, ისრაელი, იორდანია, ლიბანი, ლიბია, მოროკო, პალესტინა, სირია, ტუნისი	დოქტორანტი - EUR 750	1906
5	ამერიკის შეერთებული შტატები, კანადა	დოქტორი - USD 1800	4058
		დოქტორანტი - USD 1600	3607

შენიშვნა: ევროკავშირის პროგრამების სტანდარტების შესაბამისად განსაზღვრული ყოველთვიური სტიპენდია ცხრილში მოცემულია საქართველოს ეროვნული ბანკის მიერ ლარის მიმართ უცხოური ვალუტების გაცვლის ოფიციალური კურსებით, 2015 წლის 12 ივნისის მდგომარეობით.

1 EUR = 2.5414 GEL

1 USD = 2.2546 GEL

დანართი 2- უცხო ენის ცოდნის დამადასტურებელი დოკუმენტები/ მოთხოვნები

მინიმალური მოთხოვნა - B2 დონე

B2	საშუალოზე მაღალი დონე Vantage or upper intermediate	• ესმის კომპლექსური ტექსტების ძირითადი აზრი, შეუძლია კონკრეტულ და აბსტრაქტულ თემებზე ძირითადი აზრის გამოტანა, რაც მოიცავს ტექნიკური ხასიათის დისკუსიებს ამა თუ იმ დარგსა და კონკრეტულ სპეციალიზაციაში / Can understand the main ideas of complex text on both concrete and abstract topics, including technical discussions in his/her field of specialization. / • თავისუფლად შეუძლია საუბარი და ინტერაქცია უცხოელ კოლეგებთან / Can interact with a degree of fluency and spontaneity that makes regular interaction with native speakers quite possible without strain for either party/. • აქვს უნარი დაწეროს კარგად ჩამოყალიბებული, დეტალური ტექსტი სხვადასხვა თემაზე და საკითხებზე, გამოხატოს საკუთარის აზრი კონკრეტულ თემატურ საკითხებთან დაკავშირებით, არგუმენტირებული დასაბუთებით, სხვადასხვა ვერსიების უპირატესობებისა და ნაკლოვანებების მითითებით. /Can produce clear, detailed text on a wide range of subjects and explain a viewpoint on a topical issue giving the advantages and disadvantages of various options/.
----	--	--

საერთაშორისო ტესტების შემთხვევაში მინიმალური ქულები:

ტესტი / უცხოური ენა	მინიმალური ქულა
IELTS - ინგლისური http://www.ielts.org/	ქვედა ზღვარი - 5.0 სასურველი 6.0
TOEFL (IBT) - ინგლისური http://www.ets.org/toefl	ქვედა ზღვარი - 89 სასურველი - 109
CELI - იტალიური	3
CILS - იტალიური http://cils.unistrasi.it	Due
PLIDA (Dante Alighieri Societydiplomas)- იტალიური	PLIDA B2
CIEP / Alliance française diplomas - ფრანგული	TCF B2 / DELF B2 /Diplôme de Langue
DELE - ესპანური	B2 (formerly "Intermedio")
Goethe-Institut - გერმანული	Goethe-Zertifikat B2 Zertifikat Deutsch für den Beruf (ZDfB)
სხვა უცხო ენის საერთაშორისო სერთიფიკატი	B2 დონის შესაბამისი

**ახალგაზრდა მეცნიერთა უცხოეთში სამეცნიერო-კვლევითი სტაჟირებისათვის
სახელმწიფო სამეცნიერო გრანტების 2015 წლის კონკურსში მონაწილეობის შესახებ**

განცხადება

წარმოგიდგენთ რა ინფორმაციას საკონკურსო პროექტის შესახებ, ვადასტურებ, რომ გავცანი „ახალგაზრდა მეცნიერთა უცხოეთში სამეცნიერო-კვლევითი სტაჟირებისათვის სახელმწიფო სამეცნიერო გრანტების გაცემის წესისა და საგრანტო განაცხადის შეფასების კრიტერიუმების დამტკიცების შესახებ“ საქართველოს მთავრობის 2009 წლის 23 ივნისის #120 დადგენილებას, აგრეთვე, „ახალგაზრდა მეცნიერთა უცხოეთში სამეცნიერო-კვლევითი სტაჟირებისათვის სახელმწიფო სამეცნიერო გრანტების 2015 წლის კონკურსის გამოცხადების, კონკურსის პირობებისა და საკონკურსო დოკუმენტაციის ფორმების დამტკიცების შესახებ“ სსიპ შოთა რუსთაველის ეროვნული სამეცნიერო ფონდის გენერალური დირექტორის ბრძანებას და ხელმოწერით ვაცხადებ კონკურსის პირობებზე თანხმობას. ასევე, ვადასტურებ, რომ ჩემ მიერ პროექტის შესახებ ფონდის ელექტრონულ სისტემაში ატვირთული ინფორმაცია ზუსტია და არ შეიცავს ყალბ მონაცემებს. ვეთანხმები, რომ ფონდი უფლებამოსილია, ნებისმიერ დროს გადაამოწმოს ამ ინფორმაციის სიზუსტე და რაიმე სიყალბის აღმოჩენის შემთხვევაში მოხსნას აღნიშნული პროექტი კონკურსიდან. გთხოვთ, განიხილოთ ჩემი პროექტი „ახალგაზრდა მეცნიერთა უცხოეთში სამეცნიერო-კვლევითი სტაჟირებისათვის სახელმწიფო სამეცნიერო გრანტების“ 2015 წლის კონკურსში მონაწილეობის მისაღებად.

1. პროექტის შიფრი YS/.../.../15
2. პროექტის სახელწოდება:
3. ფონდიდან მოთხოვნილი საგრანტო დაფინანსება (ლარი):
4. პროექტის ხანგრძლივობა (თვეები):
5. კონკურსანტის სახელი, გვარი:
6. ფონდის ელექტრონულ ბაზაში პროექტის საბოლოო წარდგენის თარიღი:

ხელმოწერა: _____

”ახალგაზრდა მეცნიერთა უცხოეთში სამეცნიერო-კვლევითი სტაჟირებისათვის
სახელმწიფო სამეცნიერო გრანტების” კონკურსში წარსადგენი

საპროექტო წინადადების ფორმა

1.	საგრანტო პროექტის სახელწოდება
2.	სამეცნიერო კვლევის აქტუალობის დასაბუთება; (აღწერილი განსახორციელებელი სამეცნიერო კვლევა არის მიმდინარე კვლევის ნაწილი, თუ ახალი პროექტი)
3.	არსებული გამოცდილების მიმოხილვა
4.	კვლევის მიზანი, დასახული ამოცანები
5.	კვლევის მეთოდика
6.	უცხოეთში სტაჟირების გავლის აუცილებლობის დასაბუთება
7.	სტაჟირების მოსალოდნელი შედეგები და მიღებული გამოცდილების საქართველოში შემდგომი გამოყენების დასაბუთება
8.	სტაჟირების მნიშვნელობა ახალგაზრდა მეცნიერის პროფესიული განვითარებისათვის

საგრანტო პროექტის ბიუჯეტი

ხარჯის კატეგორია		სტაჟირების პერიოდი (დასაქმისი - დასარული დღე/თვე/წელი)	ლარი (GEL)
საერთაშორისო მგზავრობის ხარჯები			
დაზღვევისა და ვიზის ხარჯები			
ყოველთვიური ფიქსირებული სტიპენდია			
მასპინძელ ორგანიზაციაში სტაჟირებისთვის მოთხოვნილი სარეგისტრაციო გადასახადი			
სულ:			

სარეკომენდაციო წერილი

(ივსება რეკომენდატორის მიერ კონფიდენციალურად; ფონდში წარმოდგენილი უნდა იქნას
დალუქული და რეკომენდატორის მიერ ხელმოწერილი კონვერტით)

ახალგაზრდა მეცნიერის პირადი მონაცემები:

სახელი, გვარი	
აკადემიური/სამეცნიერო ხარისხი	
საკონტაქტო ინფორმაცია (ტელეფონი, ფაქსი, ელ-ფოსტა)	
ამჟამინდელი საქმიანობა (თანამდებობა)	
სტაჟირებისას განსახორციელებელი კვლევის დასახელება	

რეკომენდატორის პირადი მონაცემები:

სახელი, გვარი	
თანამდებობა/აკადემიური თანამდებობა	
აკადემიური/სამეცნიერო ხარისხი	
საკონტაქტო ინფორმაცია (ტელეფონი, ფაქსი, ელ-ფოსტა)	
ამჟამინდელი საქმიანობა (თანამდებობა, დაწესებულება/ორგანიზაცია)	
სხვ.	

- რამდენი წელია/თვეა იცნობთ ახალგაზრდა მეცნიერს და რა პროფესიული და საქმიანი ურთიერთობა გაქვთ მასთან

- გთხოვთ, შეაფასოთ ახალგაზრდა მეცნიერი შემდეგი ნიშნების მიხედვით:

		უმაღლესი	კარგი	დამაკმაყოფილებელი	სუსტი
1	პროფესიული უნარ-ჩვევები				
2	სამეცნიერო პრობლემატიკაში ორიენტირების უნარი				
3	მიზანდასახულობა				
4	პასუხისმგებლობა				
5	მოქნილი აზროვნება				
6	კომუნიკაბელურობა და პროფესიული ეთიკა				

- გთხოვთ, განმარტოთ რატომ აძლევთ ახალგაზრდა მეცნიერს რეკომენდაციას 2013 წელს “ახალგაზრდა მეცნიერთა უცხოეთში სამეცნიერო-კვლევითი სტაჟირებისათვის საგრანტო” პროექტის დაფინანსების გაცემის მიზნით კონკურსში მონაწილეობის მისაღებად.

- რამდენად მიეხმარება ახალგაზრდა მეცნიერს სტაჟირება თქვენს დაწესებულებაში მომავალი საქმიანობისათვის;

- სურვილის შემთხვევაში მიუთითეთ დამატებითი ინფორმაცია

რეკომენდატორის ხელმოწერა: _____

თარიღი: